



沃縣志卷之十八

人物



余嘗從史部中讀劉邵所爲人物志者曰九徵曰八
觀纒纒數萬言幾盡人物之致矣準是道以論沃寧
遽無人然九德有常唐虞之世猶難之昔孔子於孔
圉晏嬰輩節取其行傳之天下後世斯非吾黨論士
之家法乎喬山澮水之間節義事功文章表表可紀
者實繁有徒爲稽往牒質諸今人之口厘錄若干蓋
亂真贗者濫也岐隱顯者濫也狗我狗人者私也余

蓋有懼心焉志人物

周

晉申生獻公世子公嬖驪姬將立奚齊驪姬謀於優施二五請使太子主泚沃既而驪姬屢譖於公殺其傅杜原欵申生遂經于新城將死使猛足言於狐突曰申生有臯不聽伯氏以至于此申生不敢愛其死雖然吾君老矣國家多難伯氏苟出而圖吾君申生受賜以至于死雖死何悔事見左氏內外傳

欵賓靖侯之孫也為曲沃桓叔傅食邑於欒遂氏焉賓之子曰伎佐文公伎之子曰荀事靈公荀之子曰書事成景厲悼有功書之子曰厲事悼公厲之子曰盈事平公食邑于沃

士薦晉獻公時為士師故號士氏以桓莊之族逼為公謀去嘗勸申生為泰伯猶可遠難皆為所料杜原欵申生傅也以毒胙之事獻公殺之將死使告申生曰吾聞君子不去情不反讒讒行身死可也猶有令名焉死不遷情強也守情悅父孝也殺身

成志仁也。死不忘忠敬也。孺子勉之。死必遺愛。死民之思不亦可乎。

狐突申生傅也。獻公使申生伐東山臯。落氏突諫曰：「孝而安民，子其圖之。」子毛及偃從重耳在秦。懷公執突曰：「子來則免。」對曰：「子之能仕，父教之忠，古之制也。今臣之子名在重耳，若又召之，教之貳也。父教子貳，何以事君？臣聞命矣，伏劍而死。」

荀息獻公立奚齊，使傅之。曰：「以是藐孤，辱在大夫。對曰：臣竭股肱之力，加以忠貞，其濟君之靈也。不濟則以死繼之。」及里克弑奚齊，及卓子荀息死之。左氏曰：荀息可謂不食言矣。

介之推初從文公出亡，及還賞從亡者，祿不及推。推曰：「獻公之子九人，唯君在耳。天實啓之，二三子以爲已功，不亦誣乎？遂與其母偕隱。」

韓厥其祖曰韓萬，曲沃桓叔之子也。厥事景公爲司馬，敗齊于鞏，後晉人謀去絳，用其謀遷于新田。厲公時將下軍，敗楚師于鄢陵。悼公時厥爲政，晉復霸卒，謚曰獻子，無忌當爲嗣。以疾讓弟起，悼公賢。

之使無忌掌公族大夫

韓起厥次子事悼公平公聘于周對詞不失聘魯觀
易象春秋聘鄭與諸大夫賦詩末年代趙武爲政
起嘗與田蕪游蕪晉賢人也

趙夙事獻公爲將有功賜耿夙生共孟共孟生衰衰
從重耳出亡卒輔反國霸諸侯衰生看看生朔朔
爲屠岸賈所殺妻成公姊遺腹生武賈索之急顛
程嬰公孫杵臼以免立爲卿事悼公平公爲政今
薄諸侯之幣而厚其禮所舉于晉管庫之士七十
餘家生不交利死不屬其子卒謚曰文

畢萬畢公高之後事獻公爲將有功賜以魏故以魏
爲氏萬生犇事文公卒謚武

解揚楚子侵宋宋來告急晉侯使解揚如宋使無降
楚塗出鄭鄭人囚而獻諸楚楚子使反其言不許
三而許之卒致君命楚子將殺之對曰君制命爲
義臣承命爲信義無二信信無二命寡君有信臣
小臣獲考又何求楚子舍之

魏顆頡子犇孫頡有嬖妾頡疾命顆曰必嫁是疾華

則曰必以殉及卒，顛從治命，嫁之秦師，伐晉，顛敗。見老人結草以充夜夢。老人曰：余而所嫁婦人之父也。爾用先人治命，余是以報悼公。立曰：顛之勲，銘景鍾，其子不可不與也。使其子將新軍。

魏絳，顛之弟，事悼公爲軍司馬，戮揚干之僕，悼公以爲能使佐新軍，請施舍，輸積粟以貸自公以下，苟有積者，盡出之，國無滯積，亦無困人。公無禁利，亦無貪民，所以幣更賔，以特牲器，用不作事，服從給用之期，年國乃有節。

士燮，會之子，會事文襄，靈景講求典禮，以修晉國之法。卒謚曰武燮。代會佐上軍，敗齊師于鞞，聘魯，賂之，不受厲，公驕，知難，作不欲與楚戰，曰：外寧必有內憂。使祝宗祈於卒，謚曰文弟。士魴，悼公使佐新軍，又佐下軍，卒謚曰貞。

士匄，燮子，厲公時，嗣父職，悼公立爲卿，聘魯，拜形，弓之賦，使將中軍，讓荀偃，公從之。晉卿皆讓後代，假執政，卒謚曰宣。

荀首，林父季弟也，食知邑，因號知氏。景公十一年，僉

中軍卒謚曰莊子知瑩號武子代韓厥爲政會諸侯伐鄭修器備盛饑糧歸老幼居夷於虎牢肆青鄭人恐乃行成修政施德晉以復霸

羊舌職晉武公伯僑之後也伯僑之孫突爲羊舌大夫因以爲氏突生職聰明肅給事悼公作中軍尉職子赤一名銅鞮伯華而無成天下其定矣

羊舌盼字叔向職子赤弟博學多文辭從趙武盟秦使與楚屈建言建不能對後聘楚楚欲戲以所不

知而不能鄭鑄刑書責子產以開端治罪不私其親稱爲遺直

祁奚獻侯之後其先食邑於祁遂以爲氏悼公時爲中軍尉請老公問代者稱解狐其讐也狐卒又問對曰臣之子午也可羊舌職死問孰可代對曰赤也可於是使午爲中軍尉羊舌赤佐之君子謂奚舉其讐不爲諂立其子不爲比舉其偏不爲黨

祁午奚子好學而不戲守業而不淫柔惠小物而鎮定大事有質直而無流心以父舉爲中軍尉軍無

批政

卻至初爲溫大夫亦曰溫季厲公時佐新軍有才辨
爲使有禮講事有智臨戎有文

伯宗晉大夫伯糾之子賢而多智好直言厲公五年
爲三卻諸殺

呂錡邲之役爲智莊子卻獲楚公子穀臣與連尹襄
老以免子羽鄢之戰射楚子中目楚使養由基射
夙之子相事厲公嘗使絕秦悼公時佐下車卒蓋
宣子

士盪濁能帥志博文宣惠於教悼公時爲太傅修德
武子之滋

賈辛憚公時爲司空能以數宣物定功修士爲之法
荀躒有力而不暴憚公時爲戎右司士屬焉使訓勇
力之世荀家惇惠荀惠文敏事悼公爲公族大夫
欒糾能御以和於政悼公時爲戎御校正屬焉以訓
諸御知義

張老知而不詐悼公時爲侯奄三年代魏絳爲中軍
司馬文子爲室斲其椽而礮之張老責其貴而志

義富而忘禮

鐸過冠恭敬信強悼公時爲上軍尉

籍偃惇肅奮職而恭給悼公時爲上軍司馬能訓率
乘親以聽命

程鄭荀氏別族端而不淫諫而不隱悼公時爲乘馬
御六騶屬焉能訓羣騶知禮

師曠晉樂師平公嘗強之鼓琴一奏之有元鶴集於
庭延頸而鳴舒翼而舞平公起而爲曠壽曰晉無
此最悲乎曠曰有援琴再奏之自雲從西北起
風起而雨隨之廊瓦半飛左右失色

程本字子華反自邲遇孔子於途傾蓋而語甚相親
也孔子命子路取束帛贈之著有子華子

公肩定字子中孔子弟子唐贈新田伯宋封梁父侯

漢

靳強其先西河縣人信武侯靳歙之後以郎中騎從
高祖擊項羽破鐘離昧封汾陽侯後徙汝之曲村
遂爲曲沃人

五代

秦憲字子令秦村人年弱冠勇畧軼倫時妖術陳倉
自秦渡河依阻紫金山寇掠村落憲招鄉勇百餘
夜劫營擒倉餘黨潰散金顏脫木耳與巴哈兵犯
遼界晉募兵東征憲應募大戰敵懼請降後苗民
叛復詔憲征之憲單騎直衝苗營斬首數十卒歿
于戰

唐

裴泰其先聞喜人忠州刺史懷感子由刺史累官中
書令後徙沃之大李村居鄉謙謹無貴顯驕人
休休之度此其一班云

宋

許彥恭任彭州九隴縣尉兼主簿事時李文吉劫州
官吏盡避彥恭獨率公徒拒之擒文吉官至虞部
員外郎

史緒字仲昌徽宗時爲左清道帥府副遷驍衛將軍
世明法律爲人忠厚寡言外貌莊毅內懷明恕雖
家人相對無惰容居官決讞持平不移於私卒贈
左武衛大將軍子籍符籍尙書比部郎中符石州

軍事判官孫祥嘉州司法基贈朝散大夫純文林
郎平宣教郎深奉議郎方絳州司戶曾孫安民朝
奉郎安宅從政郎

甯智望絳人嘉祐鄉進士哲宗問樞密院副使王巖
叟從誰學對曰從河東甯先生由是知名

李居仁父早喪事母至孝日授生徒以供甘旨母沒
築土爲墳高四丈餘時人名其族曰墳臺李氏名
其巷曰孝母巷

許天麟自幼寡言笑博學能文尹河津同知堅州
政尚寬大以奉訓大夫晉寧路判官致仕子益國
學生善楷書工詩除國正雖食頃亦置書几案間

元

李謙亨以儒士辟歷內臺御史時建西山佛寺甚亟
謙亨以歲饑且東作方輿上疏極諫帝怒遣置邊
陲後召還授浙東海右二道廉訪使卒封隴西郡
侯謚忠肅後有善積者嘗還客遺金事載舊誌鄉
耆傳

靳和汾陽侯後喜周貧乏導人以善金貞佑間兵擾

團結鄉勇以為保障後率眾歸元太宗錫以金符
官鎮南大元帥復從破河南投絳州軍民長官子
用為曲沃翼城令有能聲改榮河縣尹後拜監察
御史僉陝西漢中道擢湖南嶺北道肅政廉訪使
司臨民以德執法不阿以朝列大夫晉寧路總管
府事致仕用子德政邳州判官德信將仕郎德謙
禁直宿衛德淵後贈兵部尚書封西河郡侯德昌
好學善屬文

靳榮用孫進士歷官監察御史骨鯁敢言有古諍臣
之風轉奎章閣承制學士沃碑銘多出其手弟昂
嘗與兄榮護母喪還家至平定之平潭雷雨大作
昂伏柩長號不忍舍去遂為水所漂沒後榮得母
柩於三里外得昂屍於五里外事聞賜季子碑銘
其墓

劉尙質泰定進士任稷山令遷翰林編修拜內臺御史
忠直敢言

許國楨高縣里人祖濟金絳州節度使父日榮榮州
節度使判官皆善醫國楨博通經史尤精醫術元

世祖在潛邸以醫徵至瀚海留守掌醫藥莊太后有疾投劑輒愈世祖卽位授榮祿大夫提點太醫院事賜金符至元三年改授金虎符十二年遷禮部尙書嘗上疏言事節財賦禁服色明法律嚴武備設諫官均衛兵建學校立廟儀事多施行凡所薦引皆知名士拜集賢大學士進階光祿大夫卒年七十六特賜金紫光祿大夫謚忠憲追封薊國公

許辰

名忽魯火孫從父國禎事世祖於潛邸世祖

喜之賜今名令從許衡學入備宿衛忠慎小心俄除禮部尙書提點太醫院事與丞相安童善國政多所贊益成宗卽位遷中書右丞行太常卿力辭乃命以中書右丞署太常事又改陝西行中書省右丞特授榮祿大夫大司徒追封趙國公謚僖簡靳頴曲村人任征西大將軍臨陣不避艱險陣亡獲其屍而失其首錫銀首連葬

明

仇敬字仲立同郝修已讀書紫金山淹貫百家洪武

開科薦鄉書第一其明年成進士授綏德知府政
興務舉民心感戴陞鞏昌府知府建學授經士始
向學迄今尸祝之以外艱歸卒於苦次子基以直
諫舉高麗平泉知縣孫祿以選貢授襄陽通判時
方征苗祿督餉無缺後除登州祿孫時隆舉人時
古進士隆子文茲舉人皆有文名

李新民家多積書不求聞達以明經舉任宣城知縣
陞江西按察司僉使廉介無私引年致仕

郝修已洪武九年以明經舉第一任戶部給事中改
薊城知縣操持清介任滿夫妻負囊而歸尋擢刑
部郎中賜紫金山一區今名郝家山子孫世居焉
量徵糧五斗三升以示旌

王七建文時人靖難兵至金川上章論君臣大義其
畧曰以臣伐君可謂忠乎亂祖宗傳子之制可謂
孝乎欺其孤而奪其位可謂勇乎纒纒數百言成
宗嘉其直官之不屈唾罵益甚竟斷舌被籍云

曹端字正夫永樂時舉人其先闔村人本姓楊五世
祖嗣以父命繼舅後因姓曹父敬祖徙澠池之窟

陀里生端九歲通孝經忠經十六歲於書無不通
曉爲霍州學正倡明道學以艱歸服滿補蒲州學
正報政至京蒲霍二州各上章求端司銓以霍奏
先至復補霍州尋卒葬霍州東高氏之原所著有
性理文集家規集畧夜行燭四書詳說通書述解
西銘述解童子箴存疑錄儒學宗統譜性理論孝
經述解拙巢鳴又爲月川圖詩學者稱月川先生
耿純應天舉人除國子監學錄陞大名府通判子文
聰文明皆孝廉明官郡丞文睿成進士歷官陝西
布政司參議

靳馳曷之後正統間以邑諸生補河南掾聞母喪號
泣步歸廬墓三年能格鳥獸之異事聞旌其門

郭清正統間任陝西隆德知縣有清操復勤于職載
陝西通志

因禮性純篤不阿景泰庚午舉人授武功司訓模範
畫然康海志武功曰曲沃因禮有令名後歷清澗
禹城教諭與御史白行中相善白憊其才欲囑當
道禮曰如之何愛我而黜我哉卒不許後任松江

曲沃縣志 卷之七
教諭成造尤多錢福輩皆其門人錢溥贊曰持三
十年之教鐸布四學校之陽春至今人猶傳頌焉
子綱字叔大成化丁酉舉人為滄州知州正大廉
慈絲縷無漁于民民稱布圓領因爺既卒貧不能
歸大吏為經紀其喪民亦歛錢帛賻之喪乃歸祀
滄州名宦

李進 資性簡重歷官中外三十餘年為政明敏所在
有惠政廣平濟南等處皆為立祠遷都察院副都
御史戶部尚書

李溶 字師孟成化進士授都水主事故部有辨椿草
錢銀數千悉罷之奉勅清理畿內土田奪豪右倍
占還之于民官至禮部尚書因天變上疏不報屢
疏乞休璽書褒美進太子少保致仕歲給輿皂仍
賜勅給驛以歸贈太子太保謚莊簡

邢彪 弘治初以明經授三元縣丞公廉正直冰蘖自
矢下鄉收糧勤事自褰乾糗不以擾民考察罷職
貧不能歸擇咸寧陋室以居日展經史泊如也

李鏞 字伯音浩之子嘉靖進士初授縣令輕徭節費

儲廩興學一切與民休息繼遷御史務大體不爲鷹擊毛鷲然貪墨往往畏之仕至兩京府丞謝政家居月旦必正衣冠北面展拜教子若孫恒以無負國恩無忝先德爲訓後列鄉賢子承華丁未進士由行人擢御史疏請實軍伍清宿弊褫逆謀策備邊陲大理寺卿以終養歸屢薦不起

梁綸生而穎異正德舉人除隆慶州守別蠹字嬰七載政成告歸百姓擁輿挽留爲立祠尋入名宦所著有稽古叶聲二卷

李廷寶嘉靖舉人初宰清苑會乘輿詣承天多方調劑民賴安全後兩守景耀兩判淮鳳陞左史在仕路三十年與民休息不事更張邑舊無志寶爲首倡云子日煦隆慶舉人除掖縣知縣總賦平徭民無負累歲祲發倉粟以賑太宰趙稱曰二十年來無此賢令尋擢大名府丞攝開州元城長垣大名滑縣等篆咸有惠政去之日民肖像祀之後遷商州守以抗辭忤稅璫拂衣歸

許遜博學遐覽尤精春秋嘉靖間舉於鄉授河間令

守正不阿當路者厚需於選選日資緣捷徑非吾
寶也遂拂衣旋里選金進士秀之後也秀服父喪
始終如禮秀子良力田積善不求聞達見舊誌

李勗性金進士源之後以子尚思貴贈右副都御史
惟長厚有倫兒自誠請罪遣去勿問醫業者僞增
其直竟如數子之族子出錢收息過常召責手製
其券課諸子有方卒祀鄉賢

李尚思隆慶進士初授工部主事轉吏部文選郎中
後巡撫西川會巴蜀用兵設方畧勦撫勒石雪巖
擢吏部左侍郎後贈兵部尚書子永培年二十舉
萬曆己卯鄉試第一

李日強少貧事繼母最孝登嘉靖進士授宜陽令裁
里甲冗費革歲貢良馬以治行高第擢禮科給事
中會官中取太倉銀叁拾萬日強抗言極諫又有
養儲德崇實政疏凡八上報可歷陞貴州左叅政
致政歸

劉朴進士初授壽光令值大水城幾圯多方拯溺民
賴以安歲饑賑粟煮粥繼遷汲縣陞戶部主事監

兒鳳陽儲政修明

呂乾健萬曆進士授商丘令興利除害招流民三百餘戶開荒田數百頃治行稱河南第一轉計部郎監兌館陶綜理周密得軍民歡心後轉餉雲中事竣歸省未幾卒祀鄉賢孫兆麟舉人除臨邑知縣未幾解組歸飲酒賦詩雖貧不輟

李大嘉萬曆進士筮仕清苑地衝民疲裁夫馬招逃亡時張居正柄國大嘉一無餽遺久之始擢戶部主事權稅許墅關再晉正郎督儲陝右出納倉卒于官

李承志浩孫鈞子萬曆進士初令汝陽繼轉戶部僉蜀臬分巡川北申嚴法令特著風采改備兵威茂恤軍撫民馭番以信番人畏且感之陞環慶副使值時劉難起督餉無乏寇平賜白金文綺

因柱字汝石隆慶貢生授臨清判清田煮賑修河造艇皆有成績三署州篆一無所取監稅泰山焚杏署博平又署泰安上官廉其能擢安塞令會災顯仍焦心卵翼三月而邑稱治後致仕與弟梓構相

友愛三世猶同居焉

郝根修已後家貧為人傭保母年九十餘得美食必

歸奉之妻張氏不孝廉知其情出之月且推重焉

李鑰尚書浩子京兆鑰弟自少坐卧一榻讀易數年

不履戶外以父平遠鑄功力辭廢讓其弟卜居景

明山莊鑿白石洞有松壇釣磯杏島讀其絃閣諸

勝山水甲於郡南世稱白石先生

李承寵浩孫錦子萬曆庚辰貢入太學於京學方順

橋夜宿逆旅囊中金為人竊去毫無動色晚年

券施穀全活甚衆子仰備舉人偕工書法

裴良積自幼頭角嶄然迥異諸兒及長魁梧奇偉膂

力過人明萬曆間選為直殿將軍

衛根陽號清泉以明經授山西太原府代州訓導陞

晉義寧王府教授每月甲乙諸生寒暑不倦上官

首列薦剡卒以年老謝去今祀鄉賢

蘇州俊萬曆舉人許州教諭訓士以實行為本一時

名流如蘇繼歐輩皆出其門陞南召知縣調南鄭

時張儀等脫伍寇漢中州俊單騎請兵平之

張國光字賓吾由舉人除屏山縣時苗民跋扈方議
勦光以距我界遠且性犷悍得其地不足耕得其
人不足臣不如撫便撫鎮奏聞報可苗遂服尋擢
同知彰德彰襄進呈以未報厥忤魏蓄命解豫
卒赴薊約束嚴明士無譁者再擢戶部賞命封西
番卒於塗子洪騰孫體壯先後舉於鄉為宦皆有
聲

衛嘉孚字臨山常放浪江湖間北走燕趙南遊吳越
塗經修武旅舍間纍纍有物啓視則金也置之不
顧尋有泣而跡之者即出以盡還之卒祀鄉賢

衛嘉遇字雲山父根陽訓導代州及教授義寧王府
嘉遇常從焉盡溫清之節無子以兄嘉孚子周祚
為子周祚官戶部主政買草之役艱難萬狀嘉遇
稱貸客中代竣其事周祚居官清約數十年無改
操蓋奉義方之教云卒祀鄉賢

李齊沆癸卯舉人丰骨稜稜慷慨好施秦寇逼沃按
括民財勒沆百萬酷刑疊加終不屈人以見危授
命許之

王維藩壬午舉人性端嚴明於大義時明政廢弛秦
寇駐沅授維藩青州推官弗受復授順天府尹又
弗受賊大怒挾之以刑促令受劄維藩以皂屬探
目遂得免

上官盡乙卯舉人授順義縣知縣性耿介執法如
尤不甫附權貴僉寇亂殉城死事聞賜卹祭追
贈光祿寺丞

閻重光字紹南萬曆歲貢教授生徒從遊甚衆嘗
修山西通志纂縣志皆稱史材

許永禧以舉人除上蔡令在任六年已報晁時秦寇
將及蔡衆勸永禧去永禧曰賊所向無敵一邑能
守乎吾有死而已遂具笏北面再拜據案秉燭而
坐城潰遂自刎永禧遜之孫也

盧閣進士世登繼妻王氏子襁褓失父母病焚香告
天願以身代隣家火作火及閣屋風忽返人以爲
孝感云事聞建坊旌其閭

李案性至孝色養篤至遭親喪哀毀骨立先後廬墓
六年嘗蚤起墓次見路隅遺囊啓視有字爲太平

縣某之遺親往送還天啓間勅建坊焉學者稱忠齋先生

李丕挺字元芳天啓舉人志氣軒豁嘗自箴曰養胸中正氣學天下好人處戚友善則與之否則屏之絕不同議人亦無怨三十而舉士林惜之弟丕猷字元靖亦舉人少以聖賢自任勇亂慷慨代兒受累不避艱險尤人所難云

郭允升舉人掩關讀書凡濂洛關閩秦漢左國莫不

詳究從者甚衆後署濰縣教諭與濰人畫講求性

命之學以疾卒於官濰士扶柩泣送者數百人

秦邑岐字瑞之崇禎舉人好購書畫法物性恬退不

樂仕進居義門村村舊無堡自邑岐創築秦寇入

境居人賴以保全以孝廉終於家著有備亡錄

衛蒿字匪莪關絳山書院以排異端自任四方之學者多歸之尤明忠孝大節

國朝

衛周循字節孫又字斯盛少孤與弟祚相友受甲戌

進士任金華府推官四川道監察御史巡兩關前

後疏數十上彈劾不避嫌怨為當軸者陰持左遷
國朝順治間以原任起用按三輔掌河南道陞大理寺
左寺丞陞左少卿

世祖章皇帝召見問鄉貫科分衙門又問父母兄弟甚
悉

賜坐

賜茶越三日陞工部左侍郎扈從遊南臺遊嵩壽山
又扈從南苑閱武

賜宴未幾調兵部右侍郎轉左侍郎以病請歸里

祀鄉賢

衛周祚字文錫又字聞石幼師事兄周循循既官祚
成進士任永平推官戶部主事員外郎中有政聲

國朝順治間調吏部考功郎中改文選陞太僕少卿累
遷刑吏二部左侍郎工部尚書

賜鞍馬及

御筆山水圖會賑濟畿南全活甚眾加少保兼太子太

保改吏部尚書閱數月拜文淵閣大學士兼刑部
尚書再加少傅兼太子太

師兩請假馳驛給俸如在官時後復自家起入輔
取條上便宜數事仍以少師兼太子太師改戶部
尚書保和殿大學士未幾風病作上車乞骸
上勉留再三不可強仍令由驛支俸罷數祝前有加逾
一年病轉增劇遺疏入謝

士震

榜有司祭葬如禮

賜諡文清周祚在政府二十餘年不謀榮利不求聲
譽卒之日家無餘貲今祀鄉賢子台瑞以廢任
人府經歷歷官陝西按察司副使分守潼商道
聲藉甚不墜清門人以是重焉

賈生芝號瑞石丰姿岸偉顧盼炯如喜交遊重然諾
遇人有急罄囊賙之不恤也交河舊無橋生芝捐
金庀財獨首事焉子漢復爲

國朝名臣

賈漢復字膠侯少負奇氣有大志怨家造非言中害
頗成不屈明崇禎末漢復奉檄徵高傑兵傑署漢
復副總兵王師南下漢復單騎北指豫王見而

奇之招隸麾下辭不獲

世祖章皇帝知其才授都察院理事官遷工部侍郎督

修

奉先殿特命撫豫加宮保載命撫秦其所興舉皆關大

計比卒奉

肯歸葬

賜祭如例先是碑洞石經缺漢復毅然鑄補又平雲

棧復龍首修蒼龍嶺秦人稱之

賈國楨字伯幹以明經授蕭山縣知縣屏貨賂絕請

託提鎮咸憚之嘗興學造士士咸奮發卒于官百

姓哀悼至今祠祀不絕國楨漢復子也

周冕字仲服補邑諸生中副車父城固令爲李闖拷

掠冕以身代人稱周孝子云

仇昌祚字振先順治息貢初任湖廣鄖陽府通判陞

廣東潮州府同知潮惠兵變昌祚以死自誓事聞

擢惠潮兵備道旋以奔父喪歸廬于墓側絕意宦

遊卒祀鄉賢

徐漸忠母亡旣葬漸忠匍匐墓下慟哭不能歸鄉人

賻以米鹽不受或汲水遺之亦不受曰居喪而受
餽是以廬墓市也且吾方愧吾心之不能自盡何
敢累諸君子終三年乃歸

王大作字遜子巴亥進士河南滄川縣知縣治滄十
年利興弊革如葺學宮課士子宣鐸訓毀淫祠拓
流亡墾荒地均河夫免運柳築河堤興水利蠲漕
價嚴保甲恤孤貧辨冤獄載在滄志陞行人司行
人

李大芳元隴西侯謙亨裔也性至孝親病嘗露禱
以身代親汲水漿不入口

蘓加誠郭馬村人鰥居養母母多病貧甚無以供朝
夕又不能侍左右乃約與人力作但飲食其母不
復討直逐日負母坐田間樹下餽者來持以奉母
母無饑色或者並予其直不受固予之則僅受其
半半蓋以當母飲食之資云

沃縣志卷之十九

列女

嘗覽女誡女孝經諸書以爲漢唐之女子善言女子之道云爾及觀近世所傳女俠者中列一條曰節而序之曰臣死君子死父婦死夫天性已固然者况閭里之所稱朝廷之所褒丹青之所風美備是矣猶尙寥寥不易見則殊非專言女子也今以區區之沃令妻賢母難更僕數而成仁取義有蹈白刃而不辭者何其陰教之茂著乎猶憶楊椒山之序張節婦也曰

光岳氣分天地山川精粹之氣不萃於男子而盡萃於婦人之身嗚乎其亦有所感也夫志列女

周

伯宗妻伯宗好以直辨凌人妻患之每朝必戒之曰子好直言恐及於難何不預結賢士大夫求以托州犁乎伯宗乃深結畢羊未幾伯宗以讒死畢羊送州犁於荆得免焉

叔姬羊舌子妻羊舌子好正不容於朝去而之三室之邑邑人攘羊而遺之羊舌子不受姬曰不與而瘞之以明不與後攘羊事發都吏予發羊而視其骨存焉都吏曰君子哉羊舌子不與攘羊之事矣

弓工晉繁人之妻平公使繁人爲弓三年乃成公引之射不穿一札公怒將殺繁人其妻請見曰妾夫造弓爲之亦勞矣君不能射反以殺之妾聞射之道左手如拒右手如附枝右手發之左手不知平公如其言射穿七札繁人得出錫金三鎰

魏曲沃負大夫如耳母秦立魏公子政爲太子魏哀

王使使爲太子納妃而美王將自納焉曲沃負聞
之因歛王門而上書王然其言賜三十鍾乃勤行
自修勞來國家而齊楚強秦不敢加兵焉

元

文氏李偉妻謙亨母也事姑孝謹姑早寡晚邁足疾
氏有疾掖掖朝暮無間卒成病瘵

郝氏王時亨妻亨成終陽城陷而死氏年二十餘遺
孤德融方幼撫之誓不再醮後德融爲金人掠去
或勸他適氏曰子即不歸安忍貳也數年德融成
歸以孝行舉爲新邑酒稅監

明

張氏李洪妻洪早卒遺孤金方七月張氏撫之誓不
再適母欲奪志遂絕粒死事聞特旌其門

常俊俊常銘女正德六年爲流賊所執義不受辱投
井死

賈氏吉銳妻銳賈於外氏歸未幾銳卒隣母以婦禮
未成諷賈再適氏不從以伯子爲嗣苦節終身

吉氏許訓妻訓亡氏年二十一歲縫紉自食撫養遺

孤富人欲奪其志誓死不從

李氏趙漢妻漢早卒李哭之慟氣息屢絕既而悟死
易立孤難乃撫育遺子節操周渝事聞勅旌其門
鞏氏女夢梅而生遂名賽梅年十六字人未嫁值父
母于田梅獨處室有強暴踰垣將逼之梅持刃以
拒得免父母歸梅告以故誓不欲生父母勸之梅
曰兒身雖完能信鄉隣乎竟縊而死

李氏梁柱妻柱亡氏年二十六遺子煌甫三歲抱兒
哭曰夫雖死幸此兒在棄兒不慈背夫無禮吾不
忍爲乃撫字遺孤後以明經成名

韓氏李德恭妻德亡氏年二十輒欲自盡姑指遺腹
曰倘生女死未晚也氏意稍解踰月生男撫孤自
誓甘淡素六十餘年

李氏張遜妻遜服賈卒於旅遺子科方幼族人屢以
橫逆相逼李百計禦之杜門六十餘載有孫三人
唐封文封俱舉於鄉晉封歲薦皆氏督課云

張氏賈懷禮妻禮死氏願縊以殉家人固守之不得
後稍懈氏卽經夫旁事聞勅建坊表其閭

衛氏李三妻幼字李李賈外久舅姑以衛年及笄先
娶待于歸成禮無何李卒于客姑令再嫁氏曰父
母命妾奉箕帚於李氏天也違天不祥卒不從
上官氏許有倉妻倉亡悲泣不食縊死柩前

房氏張汝霖妻年十九霖病將殞氏曰曷少待遂闔
戶自縊家人救之得甦復自縊又救之氏遂絕粒
會從子鳳儀生姑喜曰此天相吾婦也乃以從子
昇之曰能撫此子始不負汝夫氏涕泣從命教之
成立後姑病中夜禱天姑病輒愈人以為孝
史氏王大儒妻大儒卒時氏方二十二歲苦志守節
子克榮婦劉氏榮病迎醫醫曰得鹿血可活人血
亦可代劉割臂取血和藥弗痊乃置二棺榮卒氏
卽縊柩前蓋一門雙節云

劉氏趙時禎妻禎病甚泣語劉曰我死女將安之氏
應曰願相從地下耳禎卒氏號天躡踊欲自殺家
人覘其志防之嚴越三日卒自經死

衛氏陳治道妻年二十夫歿時有遺腹後生子復亨
督以就學苦節匪懈六十餘年如一日事聞勅建

坊旌表給米絹以贍終身

陳氏鄭啓廉妻夫亡氏年十八歲勸不欲生吞針求死不得自經柩前

王氏李威科妻夫亡氏年二十二歲泣曰夫既死安用生爲然有子在吾死誰撫孤者由是守節五十餘年

仇氏因借養稽亡氏年二十歲奉姑課子邑人奉爲內則

王氏進士盧世登繼妻年二十五夫亡姑老子幼世登故廉吏無厚蓄氏乃屏僮僕但共婢紡織後室遭火延燔無筭氏居竟無恙人以爲節孝所感云

楊氏梁宗孟妻孟歿有導氏他適者氏但微笑一旦禮翁姑神主走拜其夫墓家人不以爲異是夕命水索浴盆家人亦不以爲異氏忽掩關下鍵經死事聞建坊旌表曰從容就義

李氏梁景秀妻少歸秀秀病彌留諭以他適李泣曰婦人無二天君行妾亦從矣家人察其意遣婢輩

審伺之少懈夜半走夫柩前縊死

王氏李含香妻夫病十餘年氏典簪珥求醫藥無絕色夫故罄家所有廬舍田土悉付夫從子自製薄衣一襲囑其從子婦曰留以備用家人不解其意祭畢自縊柩前

成氏梁有成妻成亡氏年二十七歲繼處繼嗣

王氏周承通母崇禎末流賊入境自水村有幽洞氏往避焉洞破氏被掠出洞口行小徑聞賊墜千尺懸崖下賊亦死

王氏任學恩妻年二十六學恩卒家貧養親撫孤非紡績所得勿食也

張氏李千妻千故遺子甫數月氏以哭夫淚盡血出乳遂斷子幾不生乃以棗柿育之守節六十五年

郭氏趙天恩妻夫亡有遺孤氏年二十四歲歲饑採藜以食隣婦或誘之再適氏義形於色後遂不敢犯

許氏高擢妻擢少亡子在襁褓氏絕食瀕死者再家人力勸氏遂以立孤爲志歷盡艱辛

王氏任鳴瑚妻二十歲夫故遺孤甫數月氏抱孤泣
日天乎孤而有成夫不死矣遂百計字孤四十七
年周懈

凶朝

衛氏鴻臚吳中牙妻甲申秦寇猝至氏登樓避賊見
羣賊以刀劍凌虐鴻臚備極慘毒氏厲聲大罵墜
樓下死賊為之咋舌

許氏衛嘉子妻嘉子嘗賈燕趙吳越間氏事發姑以

及于客死江右寄窆儀真子胤循僅能除書

胤祥生髮尚小燥氏忍死立孤後俱成進士為國
相稍贈恭人亦贈一品太夫人稍額陳苦節奉

旨建坊葬 賜諭祭天以為許所教云

李氏華州尉衛弘嘉妻嘉亡時子麟禎尚幼氏守義
無二明亡攜麟禎隱絳山訓以大義麟禎卒以著
述顯

李氏許炳妻順治間寇亂避山堡知禍及呼兒婦李
氏約同死壘破投絕險處兒婦繼之氏死李廢疾

許氏李敬聚妻夫亡時年僅十九歲秦寇入境與子

山陰縣志 卷之五
不隆隱觀音山 國朝順治初隆授大田令臨行
氏謂不隆曰令長一邑民生攸繫恪共厥職母以
貨利自汙也

董氏張朝琴妻琴沒時董方十八歲事姑以孝撫孤
成立

邢氏賈熾策妻策歿時氏年十八子遷醇茲生二十
八日氏哭之慟血淚並涌幾失明垂老不復能辨
細物會隣人謀其故居去之外家醇補諸生始歸
後醇以建議誅賊褫其巾氏喜其中理無少憾

仇氏梁永建妻順治間山賊發氏匿山堡賊至氏獨
建曰君急圖存無顧我我必不辱堡破墜堡死

尉氏李振采妻順治間寇亂居韓村堡時隣堡皆破
語采曰事急矣君曷行乎采曰爾將奈何曰不辱
采遂行氏投崖死時年三十二歲

許氏呂雲樞妻己丑夫妻避亂逢賊劫之上馬氏唾
罵墜馬夫婦並遇害

解氏李鯤龍妻順治間被掠氏大呼曰吾婦人不幸
爲賊所掠有死耳卒投井身死

行氏郭鳴儒妻夫卒會賊起迫之氏投井死

褚氏趙國昌妻嘗避賊居汾曲小堡堡破被擄驅之

上馬不肯兵怒砍死棄去已而復甦毀面折股終

身殘疾

李氏趙應春妻己丑避亂為賊所逼投井死

趙氏郭可盛妻順治初盜起婦女被擄者無筭氏不

屬罵賊被殺時年二十六歲

馬氏李登壇繼妻避賊紫金山堡堡破墜峭壁死

解氏李汝華妻夫亡氏年二十餘歲寡居四十五年

屢遭兵荒氏百計撫孤成立

秦氏柴承惠妻夫亡時年二十二歲遺孤僅三歲數

日不食自縊柩前家人救甦

勅建坊旌焉

張氏衛周裔妻年十九裔亡孤方週歲及長督課嚴

切足跡不出戶四十餘年

宋氏李景雍妻歸李未十年景雍卒家貧氏奉親不

以貧故缺甘旨撫孤教以道義

賈氏席上珍妻夫亡氏年十九歲子尚幼決意撫孤

三十五年靡有懈志

周氏劉安社妻夫亡氏年二十二歲有遺孤氏撫之
成直六十年不少變

張氏秦時新妻新及張年少子在襁褓家獲貧隣婦
勸其再適厲聲叱之終身不與言

呂氏趙雲峰妻家貧無子女夫死設兩棺欲以身殉
隣人勸之且曰死必累我氏卽投牒本縣祈無累
隣人令亦勸之不答死之日姻戚設祭氏夫門外
觀者如堵倉猝問覓氏不得已縊于門後矣面
如生時有帽工曹應志妻王氏其死事畧同邑人
稱雙烈云

常氏魯之賓妻賓早亡氏甘貧育孤六十餘年

許氏郭衛民妻夫亡子未成立氏矢志守貞踰四十
年

張氏舉人衛際可妻年二十歲際可病卒氏撫孤成
立守節六十五年

秦氏李柵妻明亡柵爲賊所獲氏奮不顧身墜百尺
懸崖下眇一目折一足

賀氏董光顯妻年二十五歲顯亡親老子幼稱未亡人者四十餘年

仇氏張應奎妻夫亡時氏方二十歲寡婦孤兒相依爲命者七十年

任氏段承律妻律亡子方在襁褓紡織撫孤不易其志守節五十四年

上官氏將軍裴良積妻積早喪氏年二十六歲事舅姑惟謹姑嘗慰之曰兒婦勞矣氏泣曰婦分也敢憚勞乎終不懈

郭氏因樟妻樟早逝氏年二十八歲無子忍死茹荼四十二年撫再從子爲嗣

任氏秦士柱妻柱病歿氏欲以死殉時親在曰汝死吾何望焉氏遂自誓終身奉養

王氏董淬帷妻帷卒自經家人救之得甦逾年惟忌日仰藥而卒

吉氏王爾輔妻輔歿於秦子丕振方數月母欲奪其志氏持剪刺面母大驚曰何遽如是時吏有以索租排闥入者氏據井欄曰爾入戶吾入井矣守節

五十四年後振死其婦董氏撫幼子一如姑之撫其夫守節三十七年

董氏秦璇妻璇病篤囑氏改適氏以死誓夫歿復甦氏已自縊矣夫亦尋亡

郭氏呂佩妻歸甫經年佩歿郭時未媿身及生女也郭曰夫嗣斬矣奈何乃以從子爲嗣恩勤篤至如已所出

楊氏李國楨妻楨亡有孤甫周歲氏抱孤泣于柩前曰鬼而有知俾孤長而材末年教子尤篤不以孤故姑息

許氏張鳳鳴妻鳴歿於外氏年二十二歲無子謂其族人曰婦人之義從一而終夫死而死分也顧立嗣與殉死孰易族人曰死易耳許曰吾請爲其難者遂以從子爲後

許氏宋承山妻家貧紡織養姑姑性缺急動加捶楚氏受之怡然姑感其嫻篤乃加懽愛

靳氏郭九通妻通客死氏年二十四歲既無子女又窮乏特甚薪米至不給氏以苦節自誓六十二年

王氏楊屏妻十六歲歸屏月餘屏亡七日自縊死

梁氏書文會妻會歿之四自夜半忽自縊家人有覺

者救之得甦姑慰之曰慶汝志似不欲生者苟能

孝能慈何以死為氏泣奉教

張氏李權妻二十五歲守節備歷諸艱踰九十不衰

郭氏李丕建妻年二十歲建亡氏泣日早喪所天子

未周歲是吾責也矢志撫孤歷三十六年

趙氏王學孔妻夫歿氏年二十七歲有子甫三歲氏

計死易撫孤難忍死字孤歷四十餘年其操不易

王氏張渾然妾然病篤氏備渾然衣衾並為已備

詢之答曰是人必須者然既歿服所製衣自縊

傍

衛氏李丕挺妻年二十八歲挺亡子幼教誨成立撫

孤姪如子諸婦如女引與同居數十年

蓋氏李株妻株病卒子亦尋夭勵志守節族人罕見

其面

楊氏張光烈妻年十八歲夫亡撫從子為子視之如

已出苦節四十三年

上官氏任之樞妻樞繼伯學恩後學恩染癱疾氏奉飲食藥餌十餘年無倦色

呂氏仇文達繼妻年二十歲達卒二孤方幼欲以身殉或以立孤難為言氏遂嚴課二子俾各有成庚辰歲大饑脫簪珥煮粥全活頗衆

趙氏李丕聯妻夫亡氏年二十四歲撫育遺孤明亡時傳姑京師約嫂梁氏同死家人救甦抵里以全節終

王氏湯應豸妻年二十歲夫亡苦志撫孤七十餘年不出戶庭

衛氏許仰衡妻年十五歸衛閱二歲衡故欲以死殉自念未勉身乃忍死盡鬻嫁時衣殮許既產得雄課以讀書年七十餘卒

閻氏謝道純妻純亡家無餘貲氏奉姑有禮教子復有方歷艱辛者三十二年

楊氏蘓邦庶妻庶亡撫孤成立茹荼五十年無異志

李氏許元鼎妻鼎少亡氏勵志撫孤已丑盜起堡破墜城傷脇折股殘廢終身

杜氏王家賢妻夫亡擇族之賢者以為子端莊靜一

李有古賢婦風

劉氏字小件喬國恩妻喬出有雄者踰垣入室欲亂

之劉厲聲大罵雄者怒持剪刀畢其命時年二十

有二

王氏張鳳翔妻翔以兵變遇害氏年二十歲無子撫

從子為子非禮勿視終始罔渝

靳氏吉永照妻夫亡氏年二十以死自誓守節四十

餘年

靳氏楊永泰妻泰早亡子未周歲氏苦節撫孤一十

餘年

常氏賈國勳妻勳亡養姑撫幼寡居五十餘年

衛氏呂存仁妻仁亡氏年二十三歲無子以從子為

嗣守節五十餘年

靳氏李再見妻再見歿元城氏聞訃欲殉姑諭以立

孤大義紡績教孤孤迄有成

王氏上官璠妻璠早逝氏撫三歲孤遇歲饑氏日粟

貴如金貧者且將死吾所藏粟豈宜自食乃盡以

所有散諸鄉里

郭氏李積妻積亡勵志課子日久靡怠

馬氏張維全妻全卒氏動必以禮終身無冶服

董氏郭積貴妻貴客外數十年未歸氏竭力養姑晨

昏無間

楊氏徐日省妻省歿子幼氏堅守苦節歷年九十

王氏郭鵬翔妻翔家貧稱貸頗夥既死氏盡鬻其產

殮翔畢舉其仇盡償債家或疑有他志微諷之不

答以米數升遺其家人爲訣遂自縊

解氏王學俊妻氏年二十餘俊久客外家貧獨養老

姑姑死氏尋亦死里人哀之有風靡人苦無大節

世變天亦虐孤窮之句

王氏謝演妻年十九演亡家貧甚日勤紡織守志撫

孤六十餘年

衛氏盧生色妻年甫二旬夫歿子幼衛治家勤儉守

節六十餘年

喬氏郭鎮威妻威亡氏年二十二欲以身殉以方娠

忍死及產男也紡績撫孤四十八年

劉氏李化功妻年二十五歲功卒氏矢志母貳時姑
患脚疾氏左右扶掖苦節孝行幾五十年

王氏閻我範妻己丑範死於賊氏撫孤讀書守節五
十餘年

李氏石養奇妻奇亡氏年十九子方周歲守節五十
餘年

常氏仇際康妻康中武舉未幾亡家日落氏撫孤紡
績子克成立守節四十餘年

李氏王天錫妻歸踰年錫卒氏年十九家貧無子
勸其再適輒誓以死

席氏張維藩妻藩亡氏年十七孤為諸生尋故席復
撫遺孫守節五十餘年

王氏李琰妻十七歲適琰越兩歲琰卒撫孤成立生
一子未幾子又亡復撫養孤孫苦節五十六年

勾氏王世德妻年二十二德歿於外姑老子幼俱賴
氏全活守節四十餘年

許氏王德興妻興亡氏孝養老姑慈育弱息歿時謂
家人曰吾得從夫地下志願畢矣節操周渝分內

事也慎勿邀名時人謂之知禮

楊氏董國猷妻年甫十八猷故遺孤襁褓氏勵志守

節五十二年

王氏王安民妻二十而寡氏上奉老姑下撫幼子艱

苦備嘗四十餘年人無間言

常氏張廷旦妻夫亡有孤在襁褓氏撫孤成立及卒

謂家人曰而今而後可以從夫地下矣

韓氏台攀鳳妻夫早亡矢志堅守屢遭患難其志愈

篤

蓋氏衛瑄妻十四適衛越六年瑄病故氏事姑育孤

各得其道歷四十年如一曰

李氏楊云禎妻禎卒有子未幾亦亡氏慟不欲生以

姪孫為嗣守節終身

張氏趙帝權妻夫歿殮畢自經柩傍

席氏趙應元妻無子而寡撫妾女與夫之孤姪若已

出年九十六卒

王氏王文徵妻文徵歿時氏年甫十八或謂王年少

守節頗難氏曰在人勵志耳卒撫孤守節始終不

渝

甄氏上官柱妻二十七歲柱亡篤志守節孤卒有成
李氏呂氏仰妻姑違廢疾氏奉唯謹仰沒教二子有
成氏好施周貧乏無倦容隣車嘗傷氏駁骨幾斷
家人欲甘心焉氏曰命也勿問

李氏王發祥妻祥亡年甫十八歲遺子鼎尋亦故僅
一幼孫氏撫之至成立

趙氏張維妻維故無子氏抱隣兒為後飲藥下乳滿

乳岩死

張氏吉永正妻永正歿子幼氏督之最嚴不令為兒
嬉性好施與至老無倦

李氏馬一麟妻麟歿客舍無子氏泣曰夫祧絕矣不
何或勸以撫從子為嗣氏然之遂力任其事苦節
六十餘年

馬氏張京魁妻魁故貧及歿家益落無以為生氏不
以貧故有他志苦節終身

邊氏吉惟謙妻謙嘗作客外郡氏綢繆家計婦道母
德里人稱之及謙卒氏益勵厥志寡居七十餘年

衛氏王含章妻年十五歸章章賈於外訃至衛年十八泣曰夫客死他鄉不能歸葬先塋是吾罪也矢志撫孤逆夫柩歸里

董氏王訓妻歸未三載訓卒遺孤方彌月氏緝糶撫孤風雨寒暑人所極不堪者氏甘之無幾微見於顏色

趙氏傅錫蕃妻蕃亡氏拮据卒瘞家計稍溫復嚴督諸孤咸有成就

張氏劉鳳梧妻劉亡氏義篤從一閉閣終身守節四十九年

許氏靳守恒妻幼卽慕古賢婦適守恒數年恒亡氏年二十三歲矢志守貞有古列婦風

張氏楊必達妻達亡氏年二十餘歲指孤而言曰吾非不能從夫地下此子有成夫不亡矣遂苦節終身孤亦成立

張氏郭民止妻止亡時氏年方廿歲撫孤成立終身未出戶外

現在守節

張氏嚴國珍妻

喬氏梁繩武妻

王氏舉人李士古妻

梁氏賈有譽妻

郭氏生員仇秉道妻

柴氏王乾綱妻

靳氏常自明妻

郭氏黃三輔妻

尉氏董文慈妻

梁氏張養冲妻

李氏生員仇承祚妻

蓋氏張爾志妻

李氏王元籙妻

鄒氏生員常南征妻

王氏柴如楨妻

仇氏李培妻

王氏石蒸雲妻

許氏李世忠妻

張氏許斗南妻

郭氏詹生衛台幾妻

張氏常正儒妻

秦氏張問達妻

崔氏董簡妻

郭氏秦誓欽妻

李氏董大猷妻

柴氏仇拱辰妻

王氏武生常大儒妻

高氏尹國俊妻

王氏馬吉兆妻

楊氏鞏枚寧妻

吉氏生員劉紹堯妻

王氏李膺禎妻

李氏武生尉積隆妻

李氏鞏丕興妻

辛氏生員李嘉績妻 孝婦

張氏李名教妻

上官氏王于洛妻

楊氏舉人董疏妻

賈氏杜堯臣妻

郭氏劉國璞妻

衛氏李世元妻

衛氏李芳聲妻

雷氏弟可仁妻

靳氏武生王道澂妻

郭氏崔之璇妻

柴氏田正升妻

鞏氏王復恂妻

蘓氏杜棟妻

許氏生員衛堃妻

張氏楊雲棟妻

宋氏樊居敬妻

王氏董尙素妻

靳氏常崇義妻

王氏王廷辨妻

傅氏張奇英妻

車氏何承雲妻

李氏嚴自得妻

由沃縣志卷之二十

流寓

舊誌載流寓五人皆楚產而仕仕國非流寓已故削而不錄今所錄者明得一人 國朝得二人自明而上無聞焉之三人者或業在名山以傳世為用世或發其光匿其采高風亮節歷久而始著或懷奇莫試浪跡名勝一遇知己遂託七尺要皆行其所志擇地而安之者也志流寓

明

傅公他名失考陽曲人與衛周祚善嘗凌晨獨出干
肩皇錯莫知所之久之始歸詰之不應再問曰到
曲沃訪衛君距城十里衛知之欲迂即返也後遊
中條與客話晉中山水每道青玉峽紫霞洞飛瀑
水巖諸勝蓋久居紫金山中卒無知者

國朝

顧炎武江南崑山人初名絳字亭林因易名並易其
字曰寧人為學根柢考亭傍及天文地理律曆河
渠莫不考究與客話輒悉其本末嘗讀書韓村

園著有鄉國天下利病書日知錄下學指南音義
音學五書錢糧論諸編

尹濬字滌存江南宜興人意思精密有用世才不肯
輕試與邑人衛台揆善居衛白水園中衛嘗語
曰若老矣將何歸曰有吾子在何患焉及卒衛為
卜葬城北

沃縣志卷之二十一

鄉者

沃之賜名義民者於明得數人焉而考其行事則曰
 出粟賑饑昔漢武虛倉廩以賑貧民不足又募之豪
 富宋仁英兩朝當歲儉則誘富人入粟秩以官爵豈
 明亦踵其跡而行之乎何好義者之衆也太史公曰
 君子富好行其德又曰人富而仁義附焉蓋有所憑
 藉以行其志遂若出於天性而非驅之使然斯亦一
 鄉之善士矣其他壹行足紀及得與鄉飲之禮者並

錄亦不求備之義也志鄉者

耿泰家素封好行其德嘗有盜夜入其家泰緝得之盜蒲伏請宥泰以穿窬不可爲誠之盜感泣去

李進宸義城村人明正統間邑歲饑罄諸載道詔下勸輸出粟三百石入常平倉者給冠帶免雜泛差徭賜爲義民進宸村居不知也一日走田間聞客話小許村許弘祿指困應詔事且云許急人之病不啻其身素行積德此其一節云進宸亟起如例時又有梁忠成李受輕吉山衛伯善者聞風興起各輸若干石縣次第伐石樹其里嘉靖間復有聚玉捐糧一百石助修郡之高河石橋者

李敬陳氣節自高喜排難解紛弟與從子爭田將成訟矣敬陳輒出已田與弟事遂解

尉思貴朴茂醇謹性樂施予翼人薛進朝坐罪來訴得百金可免慨然與之薛遂釋

張冕多謀畧順治間盜起圍城者再冕竭力守禦城得全時以冕功第一

衛天祿業岐黃術嘗出遊四方活人無算雅不計利

至老不倦

考舊誌載有張自修之賑饑有方閭重華之雅重文學杜繼晦之內行淳至張文采之然諾不欺趙讓李爲梁之孝友趙名卿李學敏之謹飭按其生平僅一善足錄至常君賜吉立棟之重義輕利亦足以訓俗型方夫是之謂鄉者也夫

歷年鄉飲酒耆民姓氏

張一鷗 賈訓 衛名藩 吉撫謙 陳思

楊國相 蘓連登 高天財 郭九道 于時

王惠民 徐登榮 衛新科 賈自正 張國善

郭際泰 呂存義 李芄然 行惟麟 楊源植

劉寧漢 王俊昌 傅良材 徐憲儒 周光斗

李賢貞 張士英 李伸 郭師儉 王國棟

張嘉聲 高天旺 王裕 高贊 王咨誠

李棧柱 屈連伸 黃永錫 周之俊 郭殿邦

樊永茂 徐日茂 吉永昇 徐漸德 宋之彥

李性正 李若璉 吉衍祚 許作霖 楊勳

閻黃甲 楊顯柱 吳之楨 張祚顯 許真

行惟善 薛之章 高文薦 樊鳴鳳 常崇仁

張書紳 吉秀芳 趙全爵 耿奎章 行惟芳

郭鼎峙 上官盛 李可壽 李可發 張雲台

梁棟選 馬一騏 馬一鯨 馬忠誠 湯執中

張鳴鳳 郭啓印 樊日盛

沃縣志卷之二十二

祠廟

祠廟祀申生且祀荀息忠孝之屬也其他載諸藝典者可屈指數而或雜或淫或僭紛如也其何以祀然嘗考宋紹興間詔天下州郡籍所祠廟畧叙本末如圖經命曰某州祀典而明洪武中令有司祀祀典神祇其不在祀典而嘗有功德於民者卽不祭存其祠宇記曰有其舉之莫敢廢也故概存之著於篇志祠廟寺觀並附

城隍廟在利字約元延祐元年知縣杜英建

八蜡廟在城北明正德三年知縣王諤建一曰先穡

神農為主二曰司穡后稷為主三曰農田峻也鄭

衆曰田峻古之先教田者爾雅曰峻農夫也四曰

郵表畷謂田峻於田井畔相連之所造田舍焉為

郵亭屋宇督約百姓之處五曰貓虎所以迎貓為

食田鼠也迎虎為食田豕也豕鼠能為田害故迎

貓虎之神而祭焉六曰防所以蓄水亦以障水七

曰水壩溝也一云似池所以受水亦以洩水八曰

昆蟲暑生寒處蟊蝻之屬能為穀害

黃帝廟在城利字約原濟瀆廟內有天池北對學宮

正門向東邑人賈生芝重建一在喬山周顯德

中建一在蒙城明成化間知縣劉璣建

后土廟在城汝字約一在濟溪一在大李村

真武廟在上西關一在大李村

成湯廟在城潔字約

恭世子廟在城而字約

漢壽亭侯廟在城康字約一在城而字約一在

東關康熙三十四年地震毀諸生董玫募修又于

廟中煮粥賑饑 一在小西關 一在大李村

一在東許村

二郎廟在城孝字約

濟瀆廟在城忠字約福字約 一在濟溪

泰華廟在城康字約 一在大李村 一在盈村

文昌閣在文廟左偏 一在舊城東南城頭 一在

東關南 一在西關南

奚齊廟在城北十里旁有荀息廟

臺駘祠在臺神村

殘苦廟在西關外按介之推從重耳出亡退急推以

子林代死及重耳入晉推妻並林妻尋推至此聞

其焚死綿山遂俱投井死鄉人哀其殘苦立廟祀

之後乃詔為蠶姑矣

介林廟在安吉村

秦子令將軍祠在秦村廟有碑

節烈祠在城利字約本邑人為知縣王明善建康熙

四十四年知縣潘錦改祀本縣列女

崇慶寺在高陽村金大定二十年勅建

慈雲院在庭城村金大定時建

普濟院一在尉村金大定二年勅建 一在褚半里

元勅建

興國寺在高縣金興定三年勅建

清涼院一在文吉村金大定二年勅建 一在南莊

元勅建

香岩院在史村金大定年勅建

先天宮在東常村創建顯未失考

按舊誌城內利字約有準提庵忠字約有義濟院

又縣治右有王令祠今移治左田令祠李尙書浩

祠俱在治西賈尙書漢復祠在古南門外東鄉東

關有善同庵玉皇廟西楊村有興福宮東楊村有

遇仙觀盈村有興化院玉皇宮庭城村有南常院

史村有超化院修德宮周莊有普救院周家莊有

普濟院郇村有大明寺北房西村有大覺寺東下

郇村有洪教寺西縣冊村有觀音院東縣冊村有

龍泉院玉皇院龍翔觀西海村有龍王廟平樂村

有洪教院龍泉觀南鄉交里村有興濟院上裴莊

有靈岩院西周村有普照院裴南莊有玉清宮紫

霞洞南楊村有大覺院任莊有千佛閣林交村有

龍泉寺崇德宮景明村有九龍王廟九龍觀東閣

里兩閣村有靈光寺東閣村有玉皇宮老子廟西

鄉西關亦感應寺洪福庵十王院城西有五印寺

林城村有大明寺香邑村有龍泉院張少村有秋

林寺上官村有興化院南秦村有福勝院南莊有

望汾寺郭馬村有玉皇廟三官廟蕭相公廟大

村有三官廟石佛寺玉皇閣小李村有聖帝廟東

莊有雲台觀西賀村有廣福院喬村有普照院

村有回華院侯馬鎮有無量洞下馬村有福昌院

普照院驛橋村有傳教寺東陽呈有寶豐院觀莊

有嘉祐寺牛村有弘福院隘口村有招仙洞北鄉

張寨村有準提庵神泉有正果院南白集村有贊

公院文殊院義城村有會真觀楊莊有堯率宮南

柴村有南柴院吉祥村有壽聖觀北趙村有興國

院北王村有修橋院觀音院太虛觀八頃村有大

院

清觀十帝院楊賢里有普賢院大悲院楊談村有
妙覺院蒙城鎮有興福院皆邑人募建合附于左

曲沃縣志卷之二十三

關梁

周書曰申畫却圻慎固封守沃南北兩山孱顏耳無
險阻可恃然在德不在險吳起猶能言之古今治亂
之故可思也若夫橋梁不修春秋致譏今汾之故梁
已不可問維澮與合舊祇四橋余受事以來僅僅爲
一石杠於合之上間考周禮合方之職盡達道路以
今視昔其爲廣狹何如也余滋愧矣志關梁

鐵嶺關在隘口東倚絕巘西臨大壑迤南石色如黛

峯峻徑仄車難並軌昔嘗為關於此遺址猶在

滄河橋在高縣北

通濟橋在侯馬南

白集橋在白集北舊有久毀知縣潘錦重建邑人名

曰潘公橋

通津橋在邵村西北

交橋在交里村北邑人賈生芝任之樞任之標募

建

虹霽橋在景明村瑞石園西

辛村橋

敬德橋

金溝橋在盩丁南知縣王明善建

獻文橋在驛橋春秋晉獻文子建故村有文子廟今

廢

驛橋橋

普濟橋在南屬寺

明橋在任莊

曲沃縣志卷之二十四

風俗

曲沃唐虞甸服地也時雍風動密邇聲教降及周衰
蟋蟀山樞諸詩爲宣尼所錄勤儉質朴可不謂休焉
後世治術代更風俗因之少變賈誼曰移風易俗使
天下同心而嚮道劉勰曰移風使之雅易俗使之正
夫匪道胡雅匪道胡正故道者所由適於治之路斯
義也自古及今莫之能易矣志風俗

詩傳土瘠民貧勤儉質樸憂深思遠有堯之遺風焉

左傳土厚水深且民從教

前漢志有先王遺教君子深思小人儉陋當奢儉之中念死生之舊

隋書土地沃少瘠多是以傷於儉嗇其俗剛強亦風氣然乎

唐晉問善讓好謀而深和不怒憂思而畏禍恬以愉宋志勤耕織之事寡桑柘富麻苧善治生多藏蓄其靳

嗇尤甚

元志重遷徙服勞商賈頗好事神

志經晉霸之餘人性剛悍多勇敢然勤稼穡好蓄

文獻通考魏晉以降文學盛興閭里習於法程

士習恂恂禮法矜譚氣節而清議炳朗亭亭風塵節人不盡然亦善鈞從衆

民風樸直急公貢賦不敢後而競利好鬪健訟或亦地氣使然也土狹人滿疇產不贍每挾貲走四方所至多流寓其間雖山陬海澨皆有邑人

冠禮冠始成人人亦以成人之禮待之勝國時三州醮字猶有講者將冠先白掌教先生冠羊乘朔望

日出拜諸文學諸文學答拜今告廟戒賓久廢不
聞通國子弟未及期而冠者比比矣始基旣失成
初奚望躬行以率之是在秉禮之士也

昏禮昏禮所以著代也古有六禮今止用納采納聘
送迎雖簡可從第近時議昏者率趨勢利不擇品
行至或較聘財或責貲裝兼有指腹割襟者有服
內嫁娶名爲拜喪者有遊子未歸迎諸空閨者又
有男未聘女未字旣故而媒妁通好兩柩合葬名
爲冥配者均宜戒止以遵律例

喪禮孔子曰喪與其易也寧戚而子游亦曰喪具

哀而止乃今衣衾未備棺槨不完競尙繁文徒美
觀聽甚且青牛白馬之徒鐘鼓喧闐名曰超度朝
祖之夕酒行樂作名曰辭靈至於窮奢不副輒至
停柩或五六年或數十年風晨雨夕幾同暴露仁
人孝子顧如是乎年來逐戶嚴催雖已十葬七八
幾本敗骨猶有存者水火盜賊之變尙其念之

祭禮集禮冬至祭始祖立春祭先祖季秋祭禰此定
期也今士大夫家亦間有祠宇然多從中庭內寢

設主供奉亦每用於忌日間亦有請墓者果實肴酒僅取克數烹飪洗奠畧不經心記曰惟孝子爲能享親祭田義田鄉先生所宜圖焉

節序元旦祀天地祀神祀先家衆以次稱壽旣出拜尊長親友互相慶乃會賓立春先一日迎芒神於東郊簇春盤啖春餅伶人爲魚龍抵角諸戲遠近競看土牛以芒神占歲水旱人苦樂元宵架鰲山盛張燈毬鼓吹衢巷火樹銀花殆三日不絕十六日良夜尤劇婦女相率以遊名曰走百病二十日作

煎餅邀壻填倉不張燈爲鼠忌二月二日引龍春分釀酒醋寒食封墓楮鏹祭奠清明挿柳踏青放風鳶樹鞦韆二十一日遊景明穀雨禁蝎四月朔日貼画牛簪皂角葉禳瘟十八日商賈集城中貿易禱賽二十六日乃止重午懸艾虎貼門符饒角黍佩菖蒲塗雄黃銜蟾蜍墨採百草療病小兒女繫五絲六月六日曝衣造麵二十四日掛陌頭楮錢七夕乞巧望日薦麻穀拜墓中秋列瓜餅男女望月羅拜已而劇飲以陰晴預卜來年上元重陽

食糕登高爭致菊花作盆盎觀是日占冬陰晴十月朔日墓祭燎寒衣長至窺日景祀先十二月八日啜臘粥幼男女剃頭二十三日祀竈黏飴逾日掃舍宇除夕易門神桃符更春帖陳祀儀爆竹燒蒼木避瘟丹婚嫁無忌老稚團飲名曰守歲

會醪凡城鄉廟宇寺觀當元旦元宵清明等日出所釀金鋪筵享祀或建醮或演戲里社春秋祈報亦如之讌會客至則飲茶已而酬酒傾杯三湯二麵一杭亭午至薄暮卽散今則流連午夜飛觴賭采醪俎豆以爲賓筵羞已失古人讌會之意矣

曲沃縣志卷之二十五

古蹟

沃古蹟可得而尙論者有九平陽府志僅六明一統志僅三而山西通志則十有二如太平館者注曰有容高吟其中蓋嘗尋其遺墨無從也嗟乎分晉而後霸業蕭條學士之文圃將軍之戰壘與夫幽人奇士之踪跡老成代謝紀載無文其湮沒於荒榛斷莽中者不知凡幾此亦可爲太息者矣志古蹟

桐鄉在驛橋村距治西南四十五里一統志云在曲

沃縣西南世傳伊尹放太甲於桐卽此
前漢書武帝元鼎六年將幸緱氏次左邑桐鄉
聞南粵破改左邑爲聞喜縣杜氏通典註聞喜曰故曲沃地漢左邑縣之桐鄉也蓋曲沃改稱左邑實自秦始皇始云今通典左邑與聞喜並紀則舊誌所謂以桐鄉之南爲聞喜縣者信矣

陘庭在庭城村距縣東北十里左傳桓公三年晉武公伐翼次於陘庭本陘庭方言訛爲庭城今又訛爲聽城矣

王官城在縣西南二里一統志云晉景公謀去故城徙居新田卽此

虎祁宮左傳晉作虎祁宮而諸侯畔水經注曰宮在新田絳縣故城西四十里晉平公之所構也其宮地背汾面澮西則兩川之交會遺址猶存

平公故梁水經注曰虎祁宮北橫水有故梁截汾水中凡有三十柱柱經五尺裁與水平蓋晉平公之故梁也物在水中故能持久而不敗今廢

絳邑在縣東南二里

太子陂在縣北十里世傳晉太子泛舟於此今涸太子謂奚齊也距陂百武卽荀息故里今爲荀王里九原在縣東北堰底村植弓趙文子與叔譽觀於九原卽此或云在絳州

樂昌在縣南七里後周移縣治於樂昌堡卽此

太平館漸築劉尚質嘗譙於館中醉後賦詩墨跡猶有存者今已爲民家矣

梅月亭在濟溪上昔廢今復

白石樓在白水村西明李鎮所構詳山川

曲沃縣志卷之二十六

墳墓

往以勸農之役循覽邑之東北偏長阜廣疇中若堂若釜巍然荆棘之叢者何人哉將無桓莊之世世家大族乎問諸父老不能舉其姓字夫往者不可追矣間考舊誌維名與地猶有存者至於今耳目之所覩記

賜葬殊恩載在王章而忠臣烈婦日星河嶽之氣奕奕熊熊尤不可沒也大書方策俾後之人有所觀焉志

墳墓

齊姜墓在城上西關外高二丈周圍三十六步按左
傳齊姜本非晉獻公妃他書或云獻公元妃驪姬
使申生祭於曲沃卽此

申生墓在下西門內共世子祠後晉惠公改葬共太
子卽此

荀息墓在荀王村村內多荀氏卽其後也

里克墓在南吉村

介林墓之推子在河底村

白起墓在白塚村

周勃墓在周家莊

靳強墓在方城里

王通墓在文村汾水東廣百畝

許孝恭墓在高縣鎮唐孟楷有誌銘高縣今多許姓

程咬金墓在程王村

史緒墓在常安村宋王居正有誌銘

甯智墓在望絳村宋王巖叟有誌銘

靳和墓靳用靳榮孝子靳昂仝此在曲村鎮元揭後

斯有碑銘

李謙亨墓在縣南二里元孝木魯狎有碑銘

劉尚質墓在西亭里

李浩墓在南莊明夏言有誌銘

李尚思墓在縣東二里

李日強墓在縣東五里明王體復有誌銘

許永禧墓在張寨村西北仇之遠有誌銘

衛周循墓在縣西北五里金之俊有誌銘

衛周祚墓在張寨村南李露有誌銘

賈漢復墓在東堰底村南魏象樞有誌銘

仇昌祚墓在縣東北知縣潘錦有誌銘

劉小件墓在楊柳村西知縣潘錦改葬此地有碑誌

人王大作李琨等有銘

山沃縣志卷之二十七

仙釋

或問存二氏者何也曰以存儒也存儒何乃以二氏也而獨不見日月乎陽宗陰長方廣各徑千里或闕然不見其壤者有物食之也少旋而復其光有加遂與天地共無敝自孟軻氏歿四佛十仙之徒其亂吾儒也甚矣吾儒辭而闢之聖賢精微廣大之者愈益昌明所謂仁義之道日月循緯縱有薄蝕無傷也斯二氏之所以存也歟志仙釋

周介之推姓王名光晉人也見劉向列仙傳他書謂光實未焚死有人見其賣扇海上後不知所之故向

列傳中

漢河上公姓名不傳結茆庵於河邊賣藥因稱河上公

漢文帝慕其人往見之忽駕茆庵入雲中去文帝

再求見遂授所註道德經今縣東北二十里有河

上村村有漢文帝廟

唐張果隱中條山往來汾晉間得長生術自言其生時

當堯丙子歲嘗乘一驢日行數萬里息則懸之

巾箱中唐太宗高宗累徵不起武后亟召之作死

妬女廟前開元中復頒璽書迎至侍獵咸陽得一

鹿曰仙鹿也昔漢武帝元狩五年獲而放之懸銀

牌左角下驗之果然辭還山再迎死矣及葬則空

棺也見絳志

元知楫邑人戒律精嚴儀度整肅尤明陰陽術數之學

居嘗杜門不出人或見其往來里巷間咸異之見

絳志

曲沃縣志卷之二十八

祥異

自洪範陳休咎世之譚祥異者或曰天或曰人夫
 姬入而申生亡虓神成而諸侯散沃之異莫大乎
 天歟人歟不待智者能辨之不是之間而問諸雨暘
 之時怕草木之榮枯不亦末乎雖然鱷徙虎渡火返
 雉馴有一方之人即有一方之天沃何獨不然故上
 稽成周下迄今茲凡見於七十里之內者悉著於篇
 明天之不假易也而人事亦可想也志祥異

周敬王六年龍見於絳郊○元王五年澮絕於溴梁○
考王四年夏四月大雨雪○十三年冬桃杏實○威
烈王四年夏四月大雨雪

漢景帝中五年夏四月水火合於參

東漢永初六年池水皆赤如血○延光三年春三月大

風拔木○永建四年霖雨傷稼○建和二年木連理

西晉咸寧二年秋八月地震○大康元年春三月霜雹

夏四月雹○二年春三月隕霜五月雨雹○永寧元

年秋七月風雹折木傷稼○建興元年雨血

東晉太元八年夏四月太白晝見在參

後魏普泰元年冬十月金火歲土聚於觜參

東魏元象元年大旱

北齊河清二年旱虫傷稼

隋大業十三年夏六月鎮星羸而旅於參

唐武德七年旱○貞觀二十一年旱○二十三年秋八

月地震冬十一月又震○永徽元年旱蝗夏四月地

震六月又震○景雲二年春正月地震○開元十二

年旱○大曆二年水○元和十二年水害稼○長慶

四年好妨虫害稼○六年旱○咸通六年春正月大

風拔木冬十二月地震壞廬舍地裂泉湧泥出青色

○八年春正月地大震○乾符五年秋大雨滄汾溢

流害稼○中和元年春霜秋旱霜殺稼○光啓元年

秋大霧○二年夏晝陰積六十日○乾寧二年春三

月地震

後周顯德三年春正月有星孛於參

宋開寶五年大水○淳化二年春旱冬復大旱○至道

二年秋九月地震○天禧元年蝗蝻生○明道二年

蝗○慶曆三年冬十二月地震○熙寧七年大旱

去秋七月不雨至夏四月○九年旱○崇寧元年春

正月地震○宣和六年閏三月地震○七年秋七月

地震

金皇統三年秋大熱○正隆二年秋蝗○五年地震○

大安元年地震○三年大旱○崇寧元年旱大饑

元至元八年蝗○二十六年大雨雹○二十八年秋八

月地震○大德七年秋八月地震村堡移徙地裂成

渠破壞廬舍壓死人民不可勝紀○八年地震○至

正七年大旱○十年大饑○十一年地震半月乃止
○十九年夏五月飛蝗蔽天所落溝壑盡平大饑

明永樂十年饑○十四年饑○宣德八年夏四月旱○

正統六年饑○成化十六年旱○十九年饑○二十
年夏五月大旱○二十一年大饑人相食○弘治七

年大旱○八年秋七月大旱○正德七年夏五月黑
青見其形如犬夜則擊傷人人不敢聲居鳴鑼鼓樂

之至秋乃止○嘉靖七年旱○八年夏六月大饑○

九年旱○三十四年冬十二月地震○隆慶元年秋

大旱無禾○二年春二月饑○萬曆八年夏五月大

風拔木秋七月大雨雹○十三年夏旱○十四年饑

○十五年大饑○十六年夏五月大疫死者無筭至

冬乃息秋八月菴杏花○十七年夏有年○十九年

秋九月地震○二十年夏四月霜結冰六月大雨雹

○二十六年饑○三十年獲豹○三十七年秋旱無

禾冬十二月大饑○三十九年春三月大疫夏四月

大火燔民居數百間○四十年夏四月疫○四十六

年夏六月飛蝗蔽天○崇禎十三年春二月大旱汾

澮俱場大饑人相食死者無數

國朝順治五年檜樹生花○十二年蝗○康熙元年秋
八月霪雨二十日壞城垣廬舍無數○六年春正月
雷發聲雨黑水○十三年大有年○十五年大有年
○十六年檜生花○十八年秋霪雨二十五日壞城
垣廬舍無數○二十二年夏大水秋大旱池水赤○
二十三年有年○二十六年夏六月暴雨衝毀北門
上西門中西門弔橋○三十年夏大旱秋七月蝗
疫霪雨○三十一年春大饑○三十三年秋大熟○
三十四年夏四月初六日地大震○四十二年冬
泉湧○四十三年秋無禾冬桃杏紫荊花○四十四
年夏大熟

正源新志

卷之六

正源新志

正源新志

